

ერთი მხრივ, საჯარო სამართლის იურიდიული პირი „საქართველოს ფინანსური მონიტორინგის სამსახური“ (შემდგომში „შემსყიდველი“), წარმოდგენილი მისი უფროსის მიხეილ როინიშვილის სახით,

და მეორე მხრივ, შეზღუდული პასუხისმგებლობის საზოგადოება „ორიენტ ლოჯიკი“ (შემდგომში „მიმწოდებელი“), წარმოდგენილი დირექტორის ვაჟა ნასყიდაშვილის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად, წინამდებარე ხელშეკრულების საფუძველზე თანხმდებიან შემდეგზე:

მუხლი 1. ხელშეკრულების საბანო

- 1.1. წინამდებარე ხელშეკრულების საგანს წარმოადგენს შემსყიდველის მიერ 1.2 პუნქტით განსაზღვრული მომსახურების (შემდგომში „შესყიდვის ობიექტი“) შესყიდვა.
- 1.2. წინამდებარე ხელშეკრულების 1.1. პუნქტში მითითებულ მომსახურებას წარმოადგენს HP 65W Adapter ადაპტერის შეკეთება.

მუხლი 2. ხელშეკრულების შესრულების კონტროლი

- 2.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.
- 2.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 2.3. შემსყიდველის მხრიდან მიმწოდებლის მიერ გაწეული მომსახურების ინსპექტირებას უზრუნველყოფს საქართველოს ფინანსური მონიტორინგის სამსახურის ადმინისტრაციული სამმართველოს უფროსი თამარ კალანდაძე.

მუხლი 3. შესყიდვის ობიექტის მიღება-ჩაბარების წესი


- 3.1. მიმწოდებელმა შესყიდვის ობიექტების შემსყიდველისათვის მიწოდება უნდა განახორციელოს წინამდებარე ხელშეკრულების გაფორმებიდან 5 (ხუთი) სამუშაო დღის განმავლობაში.
- 3.2. შესყიდვის ობიექტები ან მათი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ შედგენილი მიღება-ჩაბარების აქტის გაფორმების შემდეგ. შესყიდვის ობიექტების მიწოდების საბოლოო შემოწმების ადგილია შემსყიდველის იურიდიული მისამართი.
- 3.3. შემსყიდველის მხრიდან მიღება-ჩაბარების აქტზე ხელმოწერის უფლებამოსილების მქონე პირად განისაზღვროს საქართველოს ფინანსური მონიტორინგის სამსახურის ადმინისტრაციული სამმართველოს სპეციალისტი დავით თავაძე.
- 3.4. შესყიდვის ობიექტების (მათი ნაწილის) მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 3.5. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული მომსახურების ნაწილის და წუნდების მიზეზის მითითებით.

მუხლი 4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული მომსახურების ღირებულება შეადგენს 35 (ოცდათხუთმეტი) ლარს, საქართველოში მოქმედი ყველა გადასახადის ჩათვლით.
- 4.2. 4.1. პუნქტში მითითებული ფასის გადახდა ხორციელდება უნაღდო ანგარიშსწორების წესით.
- 4.3. ანგარიშსწორება ხორციელდება მიღება-ჩაბარების აქტის გაფორმებიდან და ანგარიშფაქტურის მიმწოდებლის მიერ მიწოდებიდან 5 (ხუთი) საბანკო დღის განმავლობაში.

მუხლი 5. მხარეთა ვალდებულებები

- 5.1. შემსყიდველი კისრულობს ვალდებულებას წინამდებარე ხელშეკრულების შესაბამისად დროულად და სრულად მოახდინოს მიმწოდებელთან ანგარიშსწორება.
- 5.2. მიმწოდებელი კისრულობს ვალდებულებას:



- 5.2.1. წინამდებარე ხელშეკრულებით დადგენილი პირობებით და შემსყიდველის მიერ განსაზღვრულ ვადაში განახორციელოს ხელშეკრულებით გათვალისწინებული მომსახურება;
- 5.2.2. შესყიდვის ობიექტების ნაკლის აღმოჩენისას მოახდინოს ნაკლის ოპერატიულად გამოსწორება თავისი ხარჯით;
- 5.2.3. უზრუნველყოს ხელშეკრულებით ნაკისრი ვალდებულების დადგენილი სტანდარტებით (კვალიფიციურ და პროფესიულ დონეზე) შესრულება.

მუხლი 6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, შემსყიდველი უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით.
- 6.2. შემსყიდველის მიერ ხელშეკრულებით ნაკისრი ვალდებულების შეუსრულებლობის (ან არაჯეროვნად შესრულების) შემთხვევაში, მიმწოდებელი უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის.
- 6.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

მუხლი 7. ხელშეკრულების ძალაში შესვლა და მოქმედების ვადები

ხელშეკრულება ძალაშია მისი ხელმოწერიდან, 2011 წლის 21 ივნისიდან 2011 წლის 11 ივლისის ჩათვლით.

მუხლი 8. ფორს-მაჟორი

- 8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.
- 8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

მუხლი 9. დავათა განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 10. დასკვნითი დებულებები

- 10.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 10.2. ხელშეკრულებაში ცვლილებები და დამატებები შეიძლება შეტანილ იქნას ორივე მხარის წერილობითი შეთანხმების საფუძველზე.
- 10.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 10.4. მხარეები უფლებამოსილი არიან ცალმხრივად შეწყვიტონ ხელშეკრულების მოქმედება ერთ-ერთი მხარის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში.

10.5 ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან თითო გადაეცემათ მხარეებს.

მუხლი 11. მხარეთა რეკვიზიტები და ხელმოწერები
შემსყიდველი

მიმწოდებელი

სსიპ
„საქართველოს ფინანსური მონიტორინგის
სამსახური“

შპს
„ორიენტ ლოჯიკი“

მის.: ქ. თბილისი, ლეონიძის 3/5
საიდენტიფიკაციო კოდი: 204 447 330

მის.: ქ. თბილისი, დიღომი, ბელაშვილის
ქ. №8
საიდენტიფიკაციო კოდი: 202 052 054

საბანკო რეკვიზიტები:
საქართველოს ეროვნული ბანკი
ა/ანგარიში: 000609322
ბანკის კოდი: 220101107

საბანკო რეკვიზიტები:
ს/ს „პროკრედიტბანკი“ ცენტრ. ფილიალი
ა/ანგარიში: 4101467822
ბანკის კოდი 220101922

საქართველოს ფინანსური მონიტორინგის
სამსახურის უფროსი

დირექტორი

... ..
მიხეილ როინიშვილი

... ..
ვაჟა ნასყიდაშვილი



... ..
მ. წიგნაძე